



Félags háskólakennara

Samþykktir fyrir Starfsþróunarsjóð Félags háskólakennara (SFH)*

1. grein

Heiti

Starfsþróunarsjóður Félags háskólakennara (SFH) er starfræktur á grundvelli bókunar 4 með kjarasamningi fjármálaráðherra f.h. ríkissjóðs og Félags háskólakennara, félags háskólamenntaðra starfsmanna Háskóla Íslands og tengdra stofnana (Fh), sem undirritaður var 16. nóvember 2015.

2. grein

Aðsetur

Aðsetur SFH er í húsakynnum Fh, eða eftir nánara samkomulagi aðila. Kennitala sjóðsins er 451016-0320.

3. grein

Stefna og hlutverk

Markmið SFH er að stuðla að markvissri starfsþróun félagsmanna svo sem með því að stunda formlegt nám, sækja ráðstefnur/námskeið, sinna rannsóknum og faglegu samstarfi. Enn fremur er það tilgangur sjóðsins að auka möguleika Háskóla Íslands og tengdra stofnana til að gera félagsmönnum kleift að vinna að verkefnum sem fara saman við markmið beggja.

SFH sinnir hlutverki sínu meðal annars með eftirfarandi:

- Afgreiða umsóknir í sjóðinn í samræmi við úthlutunarreglur.
- Hafa yfirsýn yfir sjóði og fjármuni sem ætlað er að auka möguleika félagsmanna og stofnana til framþróunar í starfi sínu og samhæfa virkni sjóða með sambærilegan tilgang.

4. grein

Styrkir

Rétt til að sækja um styrki í sjóðinn hafa félagsmenn Félags háskólakennara, félags háskólamenntaðra starfsmanna Háskóla Íslands og tengdra stofnana.

Einnig er Háskóla Íslands heimilt að sækja um styrki í sjóðinn. Sömu heimild hafa eftirfarandi stofnanir:

- Landsbókasafn Íslands – háskólabókasafn;
- Raunvísindastofnun Háskólans;
- Stofnun Árna Magnússonar í íslenskum fræðum;
- Tilraunastöð Háskóla Íslands í meinafræði að Keldum.

Stjórn sjóðsins setur úthlutunarreglur.

5. grein

Fjármál og tekjur

Tekjur SFH eru:

- Framlag til stofnunar sjóðsins, í formi eingreiðslu, sbr. bókun 4 með kjarasamningi fjármálaráðherra f.h. ríkissjóðs og Fh, sem undirritaður var 16. nóvember 2015, er sem hér segir:

* Þessar samþykktir voru upphaflega samþykktar 29. september 2016. Hinn 4. desember 2017 var 4. og 5. gr. breytt í núverandi horf.

1.06.2016 kr. 22.000.000

1.06.2017 kr. 22.000.000

Umsamið gjald sem er hlutfall af launum og er sem hér segir: Frá og með 1. janúar 2018 greiðir launagreiðandi mánaðarlega iðgjald sem nemur 0,7% af heildarlaunum þeirra starfsmanna hlutaðeigandi launagreiðanda sem falla undir 1. grein. Iðgjaldið er greitt mánaðarlega eftir á samkvæmt útreikningi launagreiðanda.

Stofnfé Félags háskólakennara kr. 22.000.000.

Vaxtatekjur.

Sjálfsaflafé.

Kostnaður vegna reksturs sjóðsins greiðist af tekjum hans.

Fjármuni SFH skal ávaxta á þann hátt sem stjórn telur öruggan á hverjum tíma.

6. grein

Hlutverk og starfshættir stjórnar

Stjórn SFH er skipuð til tveggja ára tveimur fulltrúum Fh og tveimur fulltrúum Háskóla Íslands. Stjórn skiptir með sér verkum.

Hlutverk stjórnar SFH er að móta og þróa starfsemi sjóðsins í samræmi við markmið hans. Stjórnin ber ábyrgð á rekstri, fjárhag og eignum sjóðsins. Stjórnin setur sér starfsreglur.

Stjórn skal funda reglulega, halda gerðarbók og rita í hana samþykktir sínar. Til þess að samþykkt sé lögmet þarf meirihluti stjórnarmanna að greiða henni atkvæði. Falli atkvæði að jöfnu ræður atkvæði formanns.

Stjórnin skal árlega gera skýrslu um störf sín og senda hana ásamt ársreikningi til Fh með afriti til fjármálaráðuneytisins, Háskóla Íslands og tengdra stofnana. Reikningsár SFH er almanaksárið. Uppsetning ársreikninga og endurskoðun skal gerð af löggiltum endurskoðanda.

7. grein

Framkvæmdastjóri

Stjórn ræður framkvæmdastjóra SFH. Framkvæmdastjóri stýrir hinu daglega starfi og sér um framkvæmd ákvarðana stjórnar. Framkvæmdastjóri ræður aðra starfsmenn í samráði við stjórn.

8. grein

Samstarf við aðra aðila

SFH getur átt samstarf við aðra aðila og gert við þá samninga til lengri eða skemmri tíma til að vinna að markmiðum og verkefnum sjóðsins.

9. grein

Breytingar á samþykktum sjóðsins

Samþykktum sjóðsins verður aðeins breytt með samþykki stjórnar SFH.

10. grein

Slit sjóðsins

Starfsemi SFH verður einungis slitið með ákvörðun samningsaðila skv. 1. gr. Verði starfsemi sjóðsins lögð niður skal eignum ráðstafað í samræmi við markmið hans.

Reykjavík, 4. desember 2017

f.h. Félags háskólakennara,
félags háskólamenntaðra starfsmanna
Háskóla Íslands og tengdra stofnana

Hela Ást Ólafsson
Baldur Þorláksson

f.h. Háskóla Íslands

Sigríður Björnsdóttir
Ólsteinn Músson